

NUNATSINNI ILISIMATUSARNERMIK  
SIUNNERSUISOQATIGIIT  
GRØNLANDS FORSKNINGSRÅD · GREENLAND RESEARCH COUNCIL

NIS

# Ukiumoortumik nalunaarusiaq 2015



*Ilisimatusarnermik Siunnersuisoqatigiit allaffeqarfia. Nuuk Juli 2016*

**Kolofoni:**

**Allattut:** Steen Jeppson & Juaaka Lyberth

**Aaqqissuisut:** Gitte Trónheim & Juaaka Lyberth

**Assit:** Juaaka Lyberth, Forskningsrådet & iCICERO

**Ilusilersuisoq:** iCICERO, Grafisk produktion Nuuk

**Naqiterfia:** Nuuk Offset

**Nunatsinni Ilisimatusarnermik Siunnersuisoqatigiit**

C/O Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik

Box 1029, 3900 Nuuk

[www.forskningsraadet.gl](http://www.forskningsraadet.gl)

Juaaka Lyberth (Allattaagallartoq), email: [july@nanoq.gl](mailto:july@nanoq.gl)

+299 34 57 22

Siulittaasoq Gitte Trónheim, email: [gitr@ks.uni.gl](mailto:gitr@ks.uni.gl)

+299 38 56 52

# Nunatsinni Ilisimatusarnermik Siunnersuisoqatigiit 2015-mut nalunaarusiaat

## Aallaqqaasiut

Nunatsinni Ilisimatusarnermik Siunnersuisoqatigiit 2014-imi aallartikkamilli Nunatsinni ilisimatusarnermi sulianut iseriartuaalersimapput, periutsillu ilagisimavaat ilisimasatusarnerup silarsuaani avammut nalunaaruteqartartut aqutugalugit Siunnersuisoqatigiit saqumilaartinniarneqarnerisa inissikkiartornerat. Siunnersuisoqatigiit paasisimavaat nunarsuarmioqatigiit ilisimatusarnerisa aamma nunatsinni suliffeqarfiit ilisimatusarnermik ingerlataqartut, nunatsinnilu innuttaasunut akornanni ataqatigiisitsinissap pisariaqartinneqassasusia.

## Siunnersuisoqatigiit ataatsimiittarneri

2015-imi Siunnersuisoqatigiit pingasoriarlutik ataatsimiipput.

Ataatsimiinnerit marluk martsimi oktoberimilu Ilisimatusarnerup siuarsarneqarneranut aningaasaliissutissanik qinnuteqarfissat naanerisa kinguninngua, kiisalu junimi Ph.d.-mut qinnuteqaatit suliarineqarneranni, Kiffaangissuseqartumik Ilisimatusarsinnaanermut Siunnersuisoqatigiinni tusarniaatigineqareernerisa kingorna.

26. marts 2015, Ilisimatusarfik

29. juni 2015, Pinngortitaleriffik

20. oktober 2015, IKIIN ( Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoqarfik)

## Siunnersuisoqatigiinnut ilaasortat

### Katitigaanerat



**Minik Rosing**, Professor, Geologisk Museum, Københavns Universitet (Siulittaasoq)



**Gitte Trónheim**, PhD, Lektor, Ilisimatusarfik Grønlands Universitet (Siulittaasup tullia)



**Ole Geertz-Hansen**, PhD, Pinngortitaleriffik



**Gert Mulvad**, Nakorsaaneq, Peqqissaanermut Peqqinnissamullu Instituttu



**Ellen Lerch Høj Arnskjold**, Siunnersorti, Nunatsinni Sulisitsut Peqatigiiffiat



**Pauline Knudsen**, Katersugaasivimmi inspektøri, Nunatta Katersugaasivia Allagaateqarfialu



**Dorte Petersen**, Civilingeniør, Nunatsinni Misissueqqaarnerit



**Carl Egede Bøggild**, Professor, ARTEK/Danmarks Tekniske Universitet

Siunnersuisoqatigiit 2014-imi pilersinneqarneranniit siulittaasooreerluni 31.12.2015 Minik Rosing siunnersuisoqatigiinnit tunuarpoq.

## Kalaallit Nunaanni Ilisimatusarnikkut Siunnersuisoqatigiit Periusissiaat

Kalaallit Nunaanni Ilisimatusarnikkut Siunnersuisoqatigiit inuiaqatigiit kalaallit ineriartornerinut sapinngisamik pitsaanerpaanik ilisimasatigut toqqammaveqarnissaata qulakkeerneqarnissaa tunngaviumik siunertamisut isigaat.

Kalaallit ilisimatusarnermut siunnersuisoqatigiivi naalakkersuinnikkut attuumassuteqanngillat Naalakkersuisunit Inatsisartunilluunniit ilitserorneqarnikkut aquneqaratik.

Inatsisitigut tunngaviit aallaavigalugit Kalaallit Nunaanni Ilisimatusarnermut siunnersuisoqatigiit suliassaat pingasunut pingaarnernut avissimapput:

1) Ilisimatusarnernik naammassineqartut inernerinik, annertussusaannik kiisalu sunik ingerlatanik pilersaarutaasunillu ilisimatusarnernik pisortanut, inuusutissarsiortunut naalakkersuinermillu suliqartunut siunnersuineq kiisalu siunissami ineriartornermut tunngasunik ilisimatusarnissamut pisariaqartitat kalaallillu inuiaqatigiit paasinissaanut kiisalu pinngortitamit, piorsarsimassutsikkut naalakkersuinnikkullu sinaakkusiussat aallaavigalugit piumasaaqatit.

2) Kalaallit Nunaanni ilisimatusarnermut ilisimatusarnermik ilinniartitaanernut pisortat aningaasaliissutaannik agguassinertigut aningaasaliissutigineqartarput. Siunnersuisoqatigiit allanit aamma agguasseqataasinnaapput, Kalaallillu Nunaanni ilisimatusarnissamut Kalaallilluunniit Nunaannut attuumassuteqartunik allanit aningaasaliisinaasunit ujarleqataasinnaallutik.

3) Ilisimatusartut innuttaasullu amerlanerit inuusutissarsiortullu akornanni oqaloqatigiittarfissamik pilersitsillunilu inerisaaneq. Ilisimatusarnerit inernerisa siaruarternernannut peqataalluni inernerillu taakku Kalaallit inuiaqatigiivinut qanoq siunissami isumaqarsinnaanerit saqqummiullugu.

## Ilisimatusarnermut Siunnersuisoqarfiata allattoqarfia

Ilisimatusarnermut Siunnersuisoqatigiit allattoqarfiat 2015-imi pilersinneqarpoq, Ilisimatusarnermut Siunnersuisoqatigiit aamma Ilinniartitaanernut, Kultureqarnermut, Ilisimatusarnermut Ilageeqarnermullu Naalakkersuisoqarfik suleqatigalugu. Arlaannaannulluunniit attaveqanngitsumik siunnersuisoqatigiit allatseqarput, Kultureqarnermut Naalakkersuisoqarfimmi inissimasumik. Allattoqarfiup suliassaraa Siunnersuisoqatigiinnik sullissinissaq, ilisimatusarnermi politikikkut anguniakkat, aamma Ilisimatusarnermi Siunnersuisoqatigiit, ilisimatusarnermullu aningaasaliissutaasartut pillugit inatsisartut inaatsisaanni nr. 5, 29. november 2013-ni aalajangersakkat najoqqutaralugit. 1. marts 2015 A/C fuldmægtig atorfinitsinneqarpoq.

Ilisimatusarnermut Siunnersuisoqatigiit allaffeqarfimmut suliassiissutigivaat Siunnersuisoqatigiit inuiaqatigiinni ersarinnerulersinnissaat, on line-nikkut attaveqarfingineqarsinnaanerup pitsanngorsaavigineqarnissaa, Ilisimatusarnermi Siunnersuisoqatigiit namminerisaminnik nittartagaqalerneratigut, allatullu tusagassitigut takussaanerulersinnerasigut.

### Aningaasaqarneq

Aningaasat 2 millioner kr. Ilisimatusarnermut Siunnersuisoqatigiinnit oqartussaaffigineqarput, millionit siulliit Inatsisartunit ingerlatsinerit aningaasaliissutaapput, millionillu aappat ilisimatusarnerup siuarsarnissaanut Naalakkersuisut sinnerlugit Siunnersuisoqatigiit aqutaraat, qinnutigineqarsinnaasut. Taakku saniasigut siunnersuisoqatigiit Ph.D-nut aamma Post Doc-inut 7,3 millioner qinnutigineqarsinnaasunik aningaasanik Siunnersuisoqatigiit ukiumoortumik agguassisarput.

## Ilisimatusarnerup Siuarsarneranut Aningaasaliissutit

Ilisimatusarnerup Siuarsarneranut Aningaasaliissutis-sanut qinnuteqaatit Ilisimatusarnermut Siunnersuisoqatigiinnit ukiumut marloriarluni isummorsorfigineqartarput, qinnuteqarfissat killeqartinneqartarlutik 1. marts aamma 1. oktober.

**Upernaakkut qinnuteqaatit suliarineri.** Ilisimatusarnerup siuarsarneqarnissaanut qinnuteqarfissap naanerani 1. marts, allattoqarfiup tiguai qinnuteqaatit 20-it.

Upernaakkut 2015-mi qinnuteqaatit katillugit naligaat 2.257.951 mio. kr.-upput

Qinnuteqaatit nalilersuiffigineqareerneranni Ilisimatusarnermit siunnersuisoqatigiinniit suliniutit arfineq pingasut, katillugit 500.000,- kr.-inik naleqartut, aningaasaliiffigineqarput, tassa ilisimatusarnerup siuarsarnissaanut aningaasaliissutit 1 mio. kr.-niusut affaat.

**Ukiaanerani qinnuteqaatit suliarineqarneri.** Ilisimatusarnerup siuarsarneqarnissaanut aningaasaliissutis-sanut ukiaanerani qinnuteqarfissap naanerani, allattoqarfiup tiguai qinnuteqaatit 22-it. Ukiakkut qinnuteqaatit katillugit amerlassuseraat 3.292,910 mio. kr.

Suliniutit arfineq marluk, katillugit 499.000,- kr.-nik naleqartut tapiiffigineqarput.

## Ilisimatusarnermut siunnersuisoqatigiit suliat 15-it 2015-imi ilisimatusarnermut tapiissutinit 1 mio. kr.-usunit agguaassiffigaat, ukuusut.

### Inuiaqatigiilerineq

1. Inuussutissarsiupeqarnerup isorliunerusuni illoqarfinnilu minnerusuni ineriartortinnerani kajumilersitsisartut akornutaasartullu – Qaanaaq aamma Qeqertarsuaq assersuusiullugit.  
Kåre Hendriksen, kr. 120.780
2. Oqallinnerit assigiinngitsut, aquteriaatsit aqusinnermilu tatiginaassutsip ukiuni kingullerni 150-ini aalajangiisarnerni peqataatitsiartuaarnermi sunniutigisimasaat,  
Klaus Georg Hansen, kr. 4.000
3. Naartusarneq kinguaasiernerlu pillugit Kullorsuar-miut isiginnittaasiat, ilisimasaat misilittagaallu pillugit misissuineq.  
Gitte Tróndheim, kr. 80.000

Ass.: Juaaka Lyberth - Tasersiaq





## Pinngortitalerineq

4. Kalaallit Nunaata imartaani qeqqussat akuisa ukiup ingerlanerani allanngorartarneri.  
Ole Geertz-Hansen, kr. 79.784
5. Kalaallit Nunaata eqalussuaata kinguaassiortarnerminnut pissusaat  
Rasmus Berg Hedeholm, kr. 64.000
6. Nuup kangerluani qipoqqat ilaqutariissutsikkut ataqatigiinnerat, nerisassaminnillu toqqaasarneri.  
Tenna Kragh Boye, kr. 48.000
7. Kapisileqatigiit nutaat – immikkoortoq 1  
Rasmus Nygaard, kr. 40.000
8. Nuup Kangerluata qinnguami immap silaannaallu atassuteqaqatiginnerat – piffimmi silap pissusaanik misissuineq.  
Stefan Wacker, kr. 100.000
9. Saarullit pinngorarfiat, pisat suminngaaneersuunerinik misissueqqissaarneq.  
Rasmus Berg Hedeholm, kr. 100.000
10. Aalisakkanik misissuinerni ilisimasanik misilittakanillu avitseqatigiittarnermi toqqammavissamik misissuineq.  
Martin Emil Blicher. Kr. 85.000

11. Nunatta kitaani qalerallit amerlassusaanik misissuisarneq pillugu ilisimatusarneq  
Jakob Abermann, kr. 100.000
12. Appat pillugit piffimmi ilisimasat 2016, appat piaq-qortut ikiliartornerinut patsisaasinnaasunik misissuineq.  
Aili Lage Labansen, kr. 30.000

## Peqqinnissamut ilisimatusarneq

13. Kalaallit Nunaanni C.difficile-qartartut nalunaarsorneqarneri, aattuisarneq pinaveersaartinniarlugu toqqaannartumik sulinissaq siunertarlugu.  
Anne Kjerulf, kr. 71.436
14. Kalaallit Nunaanni kissaatiginagu naartulersoortarneq. Arnat naartuersinniarlutik kissaateqartut ilisarnaataat Nuuk 2012, naartunaveersaartitsinerullu ajornakusoornera.  
Pia Snedker Boman, kr. 12.000
15. Kalaallit Nunaanni naartulernerup diabetesseqartitsilersarnera.  
Michael Lynge Pedersen, kr. 64.000

Ass.: Juaaka Lyberth - Isukasia



## Inuussutissarsiutinut Ph.D. - inut Post Doc-inullu qinnuteqaatit

### Qinnuteqaatit suliarineri:

Qinnuteqarfissamut killiliussap naanerani 9. marts, Ph.D-mut aamma Post Doc-imut qinnuteqaatit 16-it allaffeqarfimmi suliarineqarput. Ilisimatusarnermut Siunnersuisoqatigiinnit Pinngortitaleriffimmi nalilersuiffiqineqarlutik 29. juni., Kiffaanngissuseqartumik Ilisimatusarsinnaanermut Siunnersuisoqatigiinnut tusarniutigineqareerlutik.

Ph.D.-mut qinnuteqaatit pingasut aningaasaliiffiqineqarput, marluk pinngortitalerinerimut tunngasut, ataaserlu humanioramut. Aamma Post Doc-mut ataaseq aningaasaliiffiqineqarpoq, pinngortalernermuttaaq ilisimatusaataasoq.

### Issittumi ilisimatusarnermut aningaasaliissutit

Nunatsinni Ilisimatusarnermut Siunnersuisoqatigiit 2015-imi ph.d-nut aningaasaliissutit pingasut aamma postdoc-imut aningaasaliissutit ataaseq, katillugit 7,3 mio. kr-inik naleqartut agguappaat. Taamani siulittaasuusoq Minik Rosing oqaarpoq, aningaasaliiffiqeqqusut imminnut unammillersimaqisut, tassa qinnuteqartut 16-usut akornanni piukkunnartut arlalissuusimmata. Ilisimatusaatit qaffasissusaasa saniasigut akuersinerni pingaartinneqarsimavoq Kalaallit Nunaanni ilisimatuussutsikkut ilisimasaniq qaffasaanissaq, kiisalu kalaallit danskillu ilisimatusarnikkut suleqatigiinnerisa siuarsarneqarnissaat.

Ilisimatusarfigineqartartut assigiinngitsut tamaasa aningaasaliiffiqineqarput, ukunnunngalu tunniunneqarlutik.

- **Majken D. Poulsen**, nunatta tunuani ujaqqat erlinnartut Korun-it (rubin) kemiskemik akuisa katitigaanerat misissorniarpaa. Nunatta Danmarkillu Ujarassiornikkut Misissueqqaarfiat (Geus) aamma Københavnip Universitetia peqatigalugit suliaq ingerlanneqassaaq. Majken D. Poulsen 2.505.600 kr-inik aningaasaliiffiqineqarpoq.
  - **Dorte Søgaaard Schrøder**, silap allanngoriartornera ilutigalugu nunatsinni kangerluit ukiumi sikuisa silaannarmik kulstoffimik iijoraasernerisa anner-tussusiat misissorniarpaa. Nunatsinni Silap Pissusianik Ilisimatusarfik peqatigalugu post.doc-imik suliaq ingerlanneqassaaq. Dorte Schrøder, 1.197.749 kr-inik aningaasaliiffiqineqarpoq
- Aningaasaliissutit Pinngortitaleriffimmiit aqunneqarput, ilaat 2,2 mio. kr. Namminersorlutik Oqartussat aningaasaliissutigaat, ilaallu 5,1 mio. kr., danskit aningaasanut inatsisaatigut issittumi ilisimatusarnissamut aningaasaliissutaasarput.  
(Paasissutissat: Pinngortitaleriffik)
- Ilisimatusarnermut Siunnersuisoqatigiit suliassamittut aalajangiuppat, Ilisimatusarneq siuarsarniarlugu aningaasaliissutinut qinnuteqaatit akuersissutaasaartullu kisitsisinik paasissutissartalerlugit, tamanut saqqummiussassanngorlugit, allattoqarfiup suliarisassagai. Siunertarissavaa ilisimatusarnerup ineriartornerata mallinnaaffiqineqarnissaa, minnerunngitsut aningaasaliissutaasartut sunut atorneqartarnerisa uppernarsaaserorneqartarnissaat.
- **Søren Lorenzen Post**, misissorniarpaa aalisakkat saarullinnut eqqaanartut, saarullernat, nunatta imartaani siammarsimassusiat pissusilersortarnerilu. Ph.d-liorluni misissuineq Nunatta Pinngortitaleriffia aamma Danmarks Tekniske Universitet peqatigalugit suliarineqassaaq. Søren L. Post 2.003.330 kr-inik aningaasaliiffiqineqarpoq.
  - **Judithe Denbæk**, Oqaatsit pilersarneri aamma oqaaseqatigiit aaqqissuunnerini isummat oqaatsip iluaniittut qanoq kalaallit oqaasiinut sunniuteqartarnerisut. Ph.d-ngorniarluni suliaq Nunatta Oqaasiliorfiata allattoqarfia aamma Ilisimatusarfik peqatigalugit suliarineqarsaaq. Judithe Denbæk 1.558.715 kr-inik aningaasaliiffiqineqarpoq.


## Innuttaasunik ataatsimiisitsineq

20. Oktober, 2015 Ilisimatusarnermut Siunnersuisoqatigiit Ilimmarfimmi innuttaasunik ataatsimiisitsipput, tassani siunnersuisoqatigiit periusissiamminni anguniagaat saqqummiunneqarlutik. Ataatsimiititsinermi soqutigineqarluartumi siunnersuisoqatigiinni ilaasortat ataasiakkat saqqummiussuereerneranni oqallititsisoqarpoq.

### Ineriartortitsinissamut isumasioqatigiisitsineq

Aqaguani, 21 oktober, ineriartortitsinissamut isumasioqatigiinnermik Siunnersuisoqatigiit aqqissuussipput Katuap inersuaaraani, qulequtaralugu "Ineriartorneq sooq pisariaqarpa?" Isumasioqatigiinnermut qaaqquneqarput Dansk Teknologisk Universititimeersut, Ilisimatusarnermut Ineriartortitsinermullu aqutsisoqarfimmiit, tamarmik Danmarkimeersut, aamma Islandimi Ineriartortitsinermut aqutsisoqarfimmeersut kiisalu Canadami Ineriartortitsinermut allaffeqarfik. Taaku saqqummiussuipput. Peqataapputtaaq nunatsinni inuussutissarsiornermik ingerlataqartut Air Greenland, Royal Greenland, Tele Greenland aamma tarnip nakorsaa, suliffinnillu aallarnisartooq namminersortoq.

Isumasioqatigiisitsinerup siunertaraa peqataasut akornannit nutaanik isummorsoneqarnissaq, nunatsinni ineriartortitsinissaq eqqarsaatigalugu aamma Ilisimatusarnermut Siunnersuisoqatigiit sulinerannut atatillugu. Isumasioqatigiisitsineq naammassimmat saqqummiussukkanik soqutiginarlutik nalilersuisoqarpoq, isumasioqatigiinnerlu iluatsilluartut torralaasutullu peqataasunit nalileneqarpoq.



## Paasisutissiisarneq aamma Ilisimatusar-nikkut Siunnersuisoqatigiit suliniutaanni anguniakkat piviusunngortinnissaat

Periusissiami anguniakkamik amerlasuunit ilisimaneqalerlutillu paasineqarnerulernissaat Ilisimatuussut-sikkut Siunnersuisoqatigiit suliniutigaat, aamma periusissiami anguniakkat inuiaqatigiinni kalaallini ilisimatusarfinni nunarsuarmioqatigiinnullu attuumassuteqartunut anngunneqarnissaat.

Siunnersuisoqatigiit suliniutigerusutaasa ilagaat nunarsuarmioqatigiit ilisimatusarinnikkut suliniutaasa kalaallillu ilisimatusartunut peqataarusuttut, imaluunniit suliffeqarfiit ilisimatusartunik sullisserusuttut, akornanni attaveqatigiiffissamik pilersitsinissaq.

Tamakkua saniasigut Siunnersuisoqatigiit ilungersuutiginarpaat periusissiami anguniakkat piviusunngortinniarinnissaat ersarissarneqarnissaallu, nittartagartik aqqutigalugu, ataatsimeersuaqataasarnertigut, allagaqartarnertigut aamma tamanut ammasunik aqqis-suussisarnertigut.



Ineriartortitsinermut isumasioqatigiinnermit